




REPUBLIKA E KOSOVËS
REPUBLIKA KOSOVA – REPUBLIC OF KOSOVO

KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL



Në bazë të nenit 4 pika 1.15 dhe nenit 15 paragrafi 2 të Ligjit Nr. 03/L-223 për Këshillin Gjyqësor të Kosovës, nxjerr këtë

UDHËZIM ADMINISTRATIV NR. 03/2015 PËR CAKTIMIN E SHPENZIMEVE TË REPREZENTACIONIT

Neni 1 Qëllimi

- 1.1. Ky Udhëzim Administrativ ka për qëllim menaxhimin më efikas të buxhetit të Këshillit Gjyqësor të Kosovës (KGjK), përcaktimin e procedurave dhe lartësisë së shpenzimeve të reprezentacionit për menaxhmentin e gjykatave, respektivisht kryetarët e gjykatave dhe menaxhmentin e KGjK duke përfshirë edhe udhëheqësit e njësiteve të KGjK-së.
- 1.2. Zyrtarëve të caktuar me këtë Udhëzim u lejohen shpenzime të reprezentacionit, me qëllim të kryerjes së punëve dhe detyrave në kuadër të përgjegjësisë të tyre.

Neni 2 E drejta në shfrytëzimin e fondit për reprezentacion

- 2.1 Të drejtë në shpenzime të reprezentacionit kanë:
 - 2.1.1 kryesuesi i KGjK-së dhe kryetari i Gjykatës Supreme,
 - 2.1.2 kryetari i Gjykatës së Apelit, kryetarët e gjykatave themelore, drejtori i Sekretariatit të KGjK-së, drejtori i Njësitit për shqyrtimin e performancës së gjyqësorit, dhe drejtori i Zyrës së prokurorit disiplinor, dhe
 - 2.1.3 gjyqtarët mbikëqyrës të degëve dhe udhëheqësit e njësiteve në KGjK.

Neni 3 Shpenzimet e reprezentacionit

- 3.1 Shpenzimet e reprezentacionit përfshijnë të gjitha shpenzimet që bëhen gjatë kryerjes së punëve dhe detyrave zyrtare, si në vijim:
 - 3.1.1 për pozitat sipas nenit 2.1.1 dhe 2.1.2 të këtij Udhëzimi, shpenzimet përfshijnë pijet gjatë takimeve zyrtare, drekat ose darkat zyrtare me delegacione të ndryshme dhe me përfaqësues të gjykatave apo institucioneve tjera;

- 3.1.2 për pozitat sipas nenit 2.1.3 të këtij Udhëzimi, shpenzimet përfshijnë pijet gjatë takimeve zyrtare me delegacione të ndryshme ose përfaqësues të institucioneve tjera.
- 3.2 Shpenzimet e reprezentacionit nuk mund të përdoren për qëllime të tjera, përveç atyre të përcaktuara më lartë.

Neni 4

Lartësia dhe lloji i shpenzimeve të reprezentacionit

- 4.1 Në varësi nga arsyet dhe nevojat e punës, vlera maksimale mujore e shpenzimeve mujore të reprezentacionit është si në vijim:
- 4.1.1 për pozitat sipas nenit 2.1.1 të këtij udhëzimi vlera maksimale nuk është e përcaktuar, që do të thotë se është pa kufizim, derisa shpenzimet përfshijnë pijet gjatë takimeve zyrtare, drekat ose darkat zyrtare me delegacione të ndryshme dhe me përfaqësues të gjykatave apo institucioneve tjera;
- 4.1.2 për pozitat sipas nenit 2.1.2 të këtij udhëzimi vlera maksimale është 300 Euro, derisa shpenzimet përfshijnë pijet gjatë takimeve zyrtare, drekat ose darkat zyrtare me delegacione të ndryshme dhe me përfaqësues të gjykatave apo institucioneve tjera; dhe
- 4.1.3 për pozitat sipas nenit 2.1.3 të këtij udhëzimi vlera maksimale është 100 Euro, derisa shpenzimet përfshijnë pijet gjatë takimeve zyrtare me përfaqësues të gjykatave apo institucioneve tjera.

Neni 5

Shpenzimet e reprezentacionit për komisionet dhe grupet punuese

- 5.1 Udhëheqësve të komisioneve dhe grupeve punuese të KGJK-së u lejohe shpenzimet e reprezentacionit pas aprovimit nga Drejtori i SKGJK-së.
- 5.2 Komisioneve dhe grupeve punuese të KGJK-së u lejohe shpenzimet e reprezentacionit në shumën e caktuar "*ad hoc*", sipas kërkesës së udhëheqësit të komisionit apo grupit punues dhe pas aprovimit nga Drejtori i SKGJK-së.

Neni 6

Përdorimi i shpenzimeve të reprezentacionit

- 6.1 Shpenzimet e reprezentacionit përdoren vetëm për mbulimin e shpenzimeve të takimeve zyrtare dhe nuk mund të përdoren për qëllime të tjera.
- 6.2 Të gjitha shpenzimet e reprezentacionit duhet të arsyetohen me fatura përkatëse dhe të nënshkruara nga shpenzuesi.

Neni 7

Shpenzimet e reprezentacionit dhe arsyetimi i tyre me faturim

- 7.1 Të gjitha shpenzimet e reprezentacionit që kalojnë shumën e përcaktuar dhe që janë në kundërshtim me dispozitat paraprake të këtij Udhëzimi Administrativ do të mbulohen nga vetë zyrtari i cili e ka tejkaluar shumën e përcaktuar.
- 7.2 Shpenzimet e reprezentacionit të faturuara deri në 100 Euro në muaj mund të paguhen me para në dorë, nga mjetet e imta të parave të gjykatës përmes zyrtarit të autorizuar.

Neni 8

Akumulimi i shpenzimeve të reprezentacionit

- 8.1 Shpenzimet e reprezentacionit nuk mund të akumulohen dhe vlera e shpenzimeve mbyllet në ditën e fundit të muajit kur janë bërë shpenzimet.
- 8.2 Faturat e mbledhura gjatë muajit dorëzohen ashtu si janë realizuar, dhe në zbatim të paragrafit të mësipërm nuk pranohet një apo me shumë fatura të cila përmbajnë shpenzime të reprezentacionit të tërë muajit.

Neni 9

Planifikimi i shpenzimeve të reprezentacionit

Departamenti për Buxhet dhe Financa në SKGJK duhet t'i planifikojë dhe aprovojë në buxhetin e vitit fiskal të organizatës buxhetore shpenzimet e reprezentacionit me kod të veçantë për shpenzime të reprezentacionit.

Neni 10

Hyrja në fuqi

- 10.1 Me hyrjen në fuqi të këtij Udhëzimi Administrativ shfuqizohet vendimi i datës 02.01.2007 i SKGJK-së, dhe çdo dhe akt tjetër i cili ka rregulluar më parë këtë çështje.
- 10.2 Ky Udhëzim Administrativ hyn në fuqi në datën e nënshkrimit.

Prishtinë, 23/10/ 2015


Enver Peci,
Kryesues, Këshilli Gjyqësor i Kosovës